



1856
1955
1592

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11-01/04-05-23146-101-1/19
Sarajevo, 8.7.2019. godine

SKUPŠTINA KANTONA SARAJEVO
n/r Elmedina Konakovića, Predsjedavajući Skupštine Kantona Sarajevo
-ovdje-

PREDMET: Odgovor na zastupničku inicijativu

Na Devetoj radnoj sjednici Skupštine Kantona Sarajevo, održanoj 19.6.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnica Vildana Bešlija je pokrenula zastupničku inicijativu „za uvođenje skraćenog programa prekvalifikacije i dokvalifikacije za sticanje stručnih zvanja iz popisa tradicionalnih i starih obrta u srednjim strukovnim školama“.

ODGOVOR

Zakonom o srednjem obrazovanju („Službene novine Kantona Sarajevo“, broj: 23/17), je predviđena mogućnost prekvalifikacije, kao i vanrednog obrazovanja za sticanje V stepena stručne sprema, za sticanje zvanja majstora, specijaliste, instruktora i poslovođe.

Uvjet za sticanje V stepena, imaju kandidati koji su stekli srednje obrazovanje i imaju najmanje dvije godine radnog iskustva u nekom od zanimanja struke za koju žele steći odgovarajuće zvanje.

Koristimo se prilikom da Vas informiramo da je Zakonom o obrazovanju odraslih („Službene novine Kantona Sarajevo“, broj: 40/15), predviđena mogućnost registriranja centara za obrazovanje odraslih i akreditovanja programa za formalno i neformalno obrazovanje odraslih.

Mogućnost prekvalifikacije je, dakle, data i kroz spomenuti zakon, na način da registrirani centri/srednje škole mogu akreditirati programe prekvalifikacije.

Shodno navedenom, informiramo Vas da je u Ministarstvu za obrazovanje, nauku i mlade, određeni broj srednjih škola registriran za obavljanje djelatnosti obrazovanja odraslih (Srednjoškolski centar Hadžići, Srednjoškolski centar Ilijaš, Srednja škola metalških zanimanja, Srednja škola za okoliš i drveni dizajn, Srednja škola poljoprivrede, prehrane, veterine i uslužnih djelatnosti), te ne postoji zakonska smetnja za akreditiranje programa prekvalifikacije za sticanje stručnih zvanja iz popisa tradicionalnih i starih obrta u srednjim strukovnim školama.

Ministarstvo za obrazovanje, nauku i mlade Kantona Sarajevo podržava Vašu inicijativu, te Vas informiramo da ćemo inicijativu proslijediti svim stručnim školama, s ciljem izrade programa i dostavljanja na akreditiranje Ministarstvu, a odnose se na prekvalifikacije i dokvalifikacije za



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



sticanje stručnih zvanja iz popisa tradicionalnih i starih i starih obrta u srednjim strukovnim školama.

S poštovanjem,



MINISTRICA

Mr. Zineta Bogunić, /



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

